



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry for Education**

Broj: 11-03/02-34-42579-1/21  
Sarajevo, 24. 11. 2021. godine

Na osnovu člana 3., a u vezi sa čl. 4. i 5. tačka a ) i tačka b) i člana 6. stav (3) Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo”, broj: 33/11, 3/12 - Ispravka, 37/13, 16/14, 6/17, 43/20 i 20/21), ministrica za odgoj i obrazovanje Kantona Sarajevo objavljuje

### JAVNI POZIV

za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata **iz oblasti zaštite okoliša i podizanja ekološke svijesti djece i mladih** do 19. godine života u školskoj 2021/2022. godini iz Budžeta Kantona Sarajevo za 2021. godinu, sa pozicije Ministarstva za odgoj i obrazovanje Kantona Sarajevo

**Predmet javnog poziva** je prikupljanje zahtjeva neprofitnih organizacija i udruženja za dodjelu sredstava za finansiranje/sufinansiranje projekata **iz oblasti zaštite okoliša i podizanja ekološke svijesti djece i mladih do 19. godina života u školskoj 2021/2022. godini**

**Pravo podnošenja zahtjeva** imaju neprofitne organizacije i udruženja u skladu sa članom 2. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo”, broj: 33/11, 3/12 - Ispravka, 37/13, 16/14, 6/17, 43/20 i 20/21), koji za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo ili doprinose razvoju i afirmaciji Kantona. Po osnovu ovog javnog poziva mogu biti sufinansirani projekti čija realizacija se planira u drugom polugodištu školske 2021/2022. godine.

Osigurana sredstva: 100.000,00 KM

Maksimalan iznos sredstava koji se može dodijeliti po projektu: do 10.000,00 KM

Projekt neprofitne organizacije/udruženja koji se kandiduje za dodjelu sredstava po ovom javnom pozivu mora da ispunjava sljedeće **Opće kriterije** koji će se vrednovati prilikom dodjele sredstava:

- registracija neprofitne organizacije ili udruženja na bilo kojem nivou vlasti u Bosni i Hercegovini;
- realizacija projekata neprofitne organizacije ili udruženja koji su od interesa za građane Kantona ili doprinose razvoju i afirmaciji Kantona;
- ekonomska ili društvena opravdanost projekta koji neprofitna organizacija ili udruženje predlaže i provodi;
- program rada za tekuću godinu sa obrazloženjem;



web: <https://mo.ks.gov.ba>  
e-mail: [mo@mo.ks.gov.ba](mailto:mo@mo.ks.gov.ba)  
Tel: + 387 (0) 33 562-128,  
Sarajevo, Reisa Džemaludina Čauševića 1



- finansijski plan za tekuću godinu;
- izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu);
- finansijski izvještaj o utrošku sredstava za projekte odobrene u prethodnoj godini;
- organiziranost i broj članova udruženja ili neprofitne organizacije;
- broj lica koja učestvuju u realizaciji projekta;
- specifičnost potreba članova neprofitne organizacije/udruženja, odnosno populacije koju zastupaju;
- rezultati i uspjesi na kantonalnom, federalnom, državnom i međunarodnom nivou, odnosno broj korisnika obuhvaćenih projektom.

**Posebni kriteriji** na osnovu kojih se ocjenjuju prijave, su sljedeći:

- dosadašnje iskustvo podnosilaca aplikacije u provođenju istog ili sličnih projekata (primjer: obezbijedena saradnja sa institucijama i ustanovama iz oblasti odgoja i obrazovanja; u proteklom periodu realizovani treninzi, odnosno edukativno-iskustvena predavanja koja se tiču zaštite okoliša i podizanja ekološke svijesti djece i mladih u obrazovnim institucijama, nevladinim organizacijama i drugo);
- kvalitet planiranih aktivnosti i metode provođenja, te njihova povezanost sa ciljem koji se želi postići realizacijom projekta;
- budžet projekta razrađen/specificiran sa informacijama o ukupnom iznosu finansijskih sredstava potrebnih za provođenje projekta, iznosu koji se traži od Ministarstva za odgoj i obrazovanje Kantona Sarajevo, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje projekta (sufinansiranje), direktni troškovi provođenja projekta razrađeni po izvorima finansiranja, indirektni troškovi provođenja projekta;
- da podnosilac aplikacije nije dobio finansijska sredstva sa pozicije Ministarstva za odgoj i obrazovanje Kantona Sarajevo u 2021. godini;
- da projekat doprinosi razvijanju ekološke svijesti i zaštite okoliša sa posebnim osvrtom na segment odgojno-obrazovne djelatnosti;
- da je projekat usmjeren na očuvanje prirodnog bogatstva, čistoće grada i pružanje podrške odgojno-obrazovnim zajednicama u smislu podizanja ekološke svijesti djece/učenika do 19. godina života;
- da projektne aktivnosti doprinose vannastavnom angažovanju djece/učenika u cilju afirmacije zdravog stila života;
- da projektne aktivnosti doprinose uključivanju većeg broja djece i mladih.

Neprofitne organizacije i udruženja koja apliciraju na Javni poziv obavezne su dostaviti sljedeću dokumentaciju:

1. Popunjen Prijavni obrazac potpisan od ovlaštenog lica i ovjeren pečatom neprofitne organizacije/udruženja (**Obrazac UNO - 21**);
2. Kratki opis prijedloga projekta (maksimalno jedna stranica) potpisan od ovlaštenog lica i ovjeren pečatom neprofitne organizacije/udruženja;
3. Ovjerena kopija rješenja o registraciji neprofitne organizacije/udruženja na bilo kojem nivou vlasti u Bosni i Hercegovini;
4. Uvjerenje o poreskoj registraciji - identifikacioni broj (ovjerenena kopija);
5. Uvjerenje o izmirenim poreskim obavezama (original ili ovjerenena kopija, ne starije od tri mjeseca);



web: <https://mo.ks.gov.ba>  
 e-mail: [mo@mo.ks.gov.ba](mailto:mo@mo.ks.gov.ba)  
 Tel: + 387 (0) 33 562-128  
 Sarajevo, Reisa Džemaludina Čauševića 1



6. Uvjerenje o izmirenim porezima i doprinosima za zaposlenike - ukoliko ima zaposlenika (original ili ovjerena kopija). Podnosilac koji nema uposlenih i neizmirenih obaveza dostavlja ovjerenu izjavu kod nadležnog organa kojom potvrđuje da nema uposlenih i neizmirenih obaveza;
7. Bilans stanja i bilans uspjeha ovjereni od strane nadležne poreske uprave za prethodnu godinu;
8. Izvještaj o utrošku sredstava za projekte odobrene u prethodnoj godini, potpisan od ovlaštenog lica i ovjeren pečatom neprofitne organizacije/udruženja;
9. Ovjerena izjava kod nadležnog organa (Općina) da podnosilac aplikacije nije dobio finansijska sredstva sa pozicije Ministarstva za odgoj i obrazovanje Kantona Sarajevo u 2021. godini;
10. Program rada za 2021. godinu sa obrazloženjem (potpisan od ovlaštenog lica i ovjeren pečatom neprofitne organizacije/udruženja);
11. Finansijski plan za 2021. godinu (potpisan od ovlaštenog lica i ovjeren pečatom neprofitne organizacije/udruženja);
12. Izjava o ukupnom broju i strukturi članova/uposlenika podnositelja potpisana od ovlaštenog lica i ovjerena pečatom neprofitne organizacije/udruženja;
13. Dokaz o uredno podnesenom izvještaju Ministarstvu za odgoj i obrazovanje o utrošku dodijeljenih sredstava iz Budžeta Kantona Sarajevo za 2020. godinu (ako je udruženje dobilo finansijska sredstva od Ministarstva za odgoj i obrazovanje u 2020. godini) prije dana objave ovog javnog poziva (potvrda nadležnog Ministarstva ili Službe za protokol Kantona Sarajevo o prijemu izvještaja o utrošku sredstava);
14. Dokaz o iskustvu podnositelja u provođenju istog ili sličnih projekata (primjer: potvrda institucije ili ustanove iz oblasti odgoja i obrazovanja o obezbijeđenoj saradnji, potvrda o realizovanoj saradnji sa institucijom ili ustanovom iz oblasti odgoja i obrazovanja, potvrda o radu na projektima sa domaćim ili međunarodnim donatorom koju izdaje donator ili ovjerena kopija ugovora zaključenog sa donatorom, potvrda obrazovne institucije ili nevladine organizacije o uspješnoj realizaciji treninga, odnosno edukativno-iskustvenih predavanja koja se tiču oblasti zaštite okoliša i podizanja ekološke svijesti djece i mladih u obrazovnim institucijama, nevladinim organizacijama i drugo).

Prijava na Javni poziv obavezno se podnosi u formi popunjenog prijavnog obrasca (**Obrazac UNO-21**) koji se može preuzeti sa web stranice Ministarstva za odgoj i obrazovanje Kantona Sarajevo ili na Protokolu Kantona Sarajevo. **Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane.**

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ** – Prijava na Javni poziv za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata **iz oblasti zaštite okoliša i podizanja ekološke svijesti djece i mladih** do 19. godine života, u školskoj 2021/2022. godini iz Budžeta Kantona Sarajevo za 2021. godinu, sa pozicije Ministarstva za odgoj i obrazovanje Kantona Sarajevo, na adresu:

**KANTON SARAJEVO**  
**MINISTARSTVO ZA ODGOJ I OBRAZOVANJE**  
**Ul. Reisa Džemaludina Čauševića br. 1, 71000 Sarajevo**  
*sa naznakom podataka o aplikantu (naziv i adresa)*

Rok za predaju prijava na Javni poziv je 10 dana od dana objave u dnevnom listu „Oslobođenje” i na Web stranici Ministarstva za odgoj i obrazovanje Kantona Sarajevo.

**Neblagovremene, nepotpune i neuredne prijave neće biti razmatrane.**



web: <https://mo.ks.gov.ba>  
e-mail: [mo@mo.ks.gov.ba](mailto:mo@mo.ks.gov.ba)  
Tel: + 387 (0) 33 562-128  
Sarajevo, Reisa Džemaludina Čauševića 1



Pregled, odnosno razmatranje pristiglih prijava na Javni poziv i utvrđivanje preliminarne rang liste projekata koji ispunjavaju uvjete za dodjelu sredstava, sa pozicije Ministarstva za odgoj i obrazovanje Kantona Sarajevo, izvršit će Komisija koju imenuje ministrica za odgoj i obrazovanje Kantona Sarajevo. Preliminarna rang lista bit će objavljena na web stranici Ministarstva. O prigovorima na preliminarnu rang listu odlučuje ministrica za odgoj i obrazovanje Kantona Sarajevo, nakon čega ministrica donosi odluku o utvrđivanju konačne rang liste dobitnika sredstava po Javnom pozivu, najkasnije do 27. 12. 2021. godine, a ista će biti objavljena na web stranici Ministarstva. Navedena odluka je konačna.

Za eventualne dodatne informacije i pojašnjenja o javnom pozivu obratite se na broj telefon: 033/562-128.

## MINISTRICA

*Naida Hota-Muminović, s.r.*



web: <https://mo.ks.gov.ba>  
e-mail: [mo@mo.ks.gov.ba](mailto:mo@mo.ks.gov.ba)  
Tel: + 387 (0) 33 562-128  
Sarajevo, Reisa Džemaludina Čauševića 1

